

**CONCLUSIÓNS DA COMISIÓN DELEGADA DO CONSELLO DE COMUNIDADES
GALEGAS.**

Santiago de Compostela 12 de agosto de 2010.

Presidente

D. Santiago Camba Bouzas secretario xeral da Emigración

Secretario

D. Carlos Santiso Barros, xefe do servizo de Promoción dos Centros e Comunidades Galegas.

Vogais

Área de España:

D. Ernesto Lagarón Vidal, Agrupación Cultural Saudade

D. Antonio Barbosa Fernández, Casa de Galicia de Valladolid

D. Jaime Ovidio Campello Teijido, Casa Cultural de Galicia de Elgoibar

D. Raimundo Alfredo Otero, García, Lar Gallego de Sevilla

Área de Europa:

D. Xosé A. Fernández Corral, S.C.R. "O Lar Galego" de Rotterdam.

D. Nicolás Miño Suárez, Centro Gallego de Londres.

D. Martín Maceiras Santamaría, Centro Galego de Hannover e. V.

D. Xosé Constenta Suárez, A Nosa Galiza de Xenebra

Área de América:

D. Antonio Piñón Martín, Hermandad Gallega de Venezuela

D. José M. Segade Díaz, Centro Gallego de Montevideo

D. José Mª Vila Alén, Centro Galicia de Buenos Aires

D. Enrique Repiso Muriedas, Sociedad Vivero y su Comarca de la Habana

Membros Natos:

D. Julio Martínez Fernández, Centro Gallego de Buenos Aires

D. Manuel Ramos Pérez, Casa Galicia de Montevideo

MEMORIA DE ACTIVIDADES:

A Comisión Delegada do Consello de Comunidades Galegas, unha vez escoitada o informe de memoria de actividades do secretario xeral da Emigración, ante a proposta de limitar a idade de participación en escolas abertas a menores de 35 anos, e co obxecto de potenciar a participación da xuventude galega no exterior na vida societaria da Galicia exterior, comparte esta iniciativa.

Así mesmo acepta a proposta do secretario xeral da Emigración, de dar un maior protagonismo ás entidades galegas á hora de ser informados e consensuar programas de axuda da secretaría xeral Emigración, fundamentalmente en materia de axudas asistenciais individuais, campamentos e campos de traballo e os diferentes programas de Reencontros.

A Comisión Delegada do Consello de Comunidades Galegas solicita unha maior axilidade e simplicidade na tramitación das diferentes resolucións de axuda e subvención. O Xeretary Xeral da Emigración pretende que as resolucións de convocatoria estean publicadas antes de fin de ano de 2010 e resoltas antes da finalización do mes de marzo de 2011, co obxecto de que os centros realicen unha mellor planificación das súas actividades.

Os representantes da Comisión Delegada da área de España, solicitan da Secretaría Xeral da Emigración un esforzo en materia de organización de actividades para a xuventude dentro das comunidades do territorio español.

LEI DE GALEGUIDADE

A Comisión Delegada de acordo coa Secretaría Xeral da Emigración abre un período de debate de 4 a 6 meses sobre a reforma de diferentes aspectos da Lei. A Comisión Delegada entende a necesidade de actualizar a Lei da Galeguidade e a regulación dos diversos órganos da mesma.

Propónse unha reunión desta comisión ao finalizar este proceso de reflexión que poida presentar unha proposta de anteproxecto consensuado ao Consello de Goberno da Xunta de Galicia para o seu posterior envío ao Parlamento de Galicia.

LEI DE RETORNO

Unha vez escoitado o anteproxecto de lei de retorno presentada pola Secretaría Xeral da Emigración a Comisión Delegada do Consello entende a necesidade de fixar un marco lexislativo que defina e regule a condición de galego retornado.

Esta comisión entende esencial o desenvolvemento deste marco xurídico para poder xerar con posterioridade medidas efectivas que garantan os dereitos dos retornados galegos.

Así mesmo a Secretaría Xeral da emigración, co obxecto de mellorar e unificar a información de interese para os galegos do exterior con vontade de retorno comprométense a editar no plazo máximo de un mes a guía galega do retorno.

PLAN INTEGRAL DE EMIGRACIÓN 2010 – 2013

A comisión delegada do Consello de Comunidades galegas recepcionou a proposta do plan integral de emigración elaborado pola Secretaría Xeral da Emigración e dase un plazo de un mes para poder efectuar as oportunas valoracións sobre o citado documento.

COMISIÓN DELEGADA.

A secretaría xeral da Emigración co obxecto de mellorar a capacidade de información e comunicación da comisión delegada propón a xeración dun espazo informativo e comunicativo específico dentro do portal galiciaaberta.com.

A Comisión Delegada do Consello de Comunidades Galegas propón o cumplimento do acordo adoptado en anterior sesión dun reparto territorial nas diferentes zonas para que os membros desta comisión poidan informar das entidades con galeguidade recoñecida.

A secretaria xeral da emigración comprométese a facer unha proposta neste sentido antes de 30 días.

A Comisión Delegada manterá aberto o debate sobre a conveniencia de manter reunións por separado das distintas zonas xeográficas previamente a celebración das Comisións Delegadas convxuntas. Estudiaráse a forma máis axeitada e consensuada de levar a cabo esta iniciativa.

FUSIÓN E/OU INTEGRACIÓN DAS ENTIDADES GALEGAS.

A Comisión Delegada do Consello de Comunidades Galegas é consciente da necesidade de emprender un proceso racional e consensuado para promover a fusión ou integración das Comunidades Galegas co obxecto de impedir a perda do patrimonio da galeguidade, material e inmaterial, mellorar a eficiencia, eficacia e racionalización do gasto das actuacions das entidades galegas e ampliar a súa base societaria. Comprendendo a dificultado deste proceso tamén e consciente a comisión delegada da necesidade de afrontalo dunha forma clara e decidida.

AXUSTES ORZAMENTARIOS

A comisión delegada é consciente da difícil situación económica a nivel global que afecta de forma xeral a todos os países con galeguidade e informada pola secretaría xeral da Emigración da política da Xunta de Galicia de racionalización do gasto público, entende e comparte a necesidade convxunta de reflexionar e emprender accións que garantan o necesario esforzo en políticas socioasistenciais cara os sectores máis vulnerables da Galicia exterior.

A Comisión Delegada do Consello de Comunidades Galegas comprométese a emprender accións informativas cara o conxunto da galeguidade para transmitir a necesidade de axustar as políticas do gasto das entidades galegas, emprender políticas de eficiencia económica nas mesmas e a promover a necesaria colaboración das entidades galegas para coordinar actividades convxuntas que desenvolvan unha cultura de austeridade como está a facer o conxunto da sociedades galega.

E para iso, a continuación propoñen a secretaría xeral da Emigración que se fixen criterios claros e efectivos de aforro en aquelas actividades non esenciais para a Galicia exterior.

RECHAZO A REFORMA DA LOREG

A Comisión Delegada do Consello de Comunidades Galegas quere amosar o seu máis rotundo rechazo ante a reforma da Lei Orgánica do Réxime Electoral Xeral, feita pola

subcomisión de reforma electoral do Congreso dos Diputados de España no sentido de eliminar o dereito de voto dos españois residentes ausentes nas eleccións municipais, e a inadmisible proposta de rogo de voto no resto dos procesos electorais españois.

Dende esta comisión delegada queremos transmitir o sentir xeral da Galicia exterior no sentido de que esta conculcación dos dereitos electorais é tamén unha conculcación dos dereitos fundamentais dos galegos no exterior como cidadáns españois.

M. S.
Guillermo
Federico
D. Gómez
José G. Lago de la Torre
Daniel Pascual
J. O. Camello
T.R.